

Uvodnik Visokog predstavnika, Wolfganga Petritscha: Novogodišnja poruka djeci Bosne i Hercegovine

Piše: Wolfgang Petritsch

Harry Potter je poput oluje osvojio svijet: priča J. K. Rowling o hrabrom i prijatnom učeniku jednog čarobnjaka je prevedena na desetine jezika i prodana u milijune primjeraka širom svijeta. Novi holivudski film postao je velika uspješnica kako među odraslima tako i među mladeži – kako među bezjacima tako i među čarobnjacima.

Za sebe bih rekao, avaj, da sam bezjak. Ne znam izvoditi čarolije i sigurno nikada ne bih mogao naučiti vještine drevne igre Vesna: Quidditch je na u hrvatskom izdanju knjige prevedn sa : metloboj Quidditcha. Međutim, iako sam bezjak, vidim da neke od lekcija koje se predaju u Harrijevoj školi, Hogwarts, jednako vrijede u nama bolje poznatom svakodnevnom svijetu. Harry nosi svoj teret problema – on dolazi iz loze cijenjenih mudraca, ali je rano djetinstvo proveo sa rođacima koji ga nisu mnogo voljeli; neki od njegovih školskih drugova zavide mu na njegovim jedinstvenim darovima i on se mora braniti od snobova i nasilnika; najgore od svega Harry nije uvijek uvjeren da može odgovoriti onome što se od njega očekuje zbog njegovog (u krugovima mudraca) poznatog prezimena.

Život je težak i ponekad zastrašujući – Harry to zna.

Ali je i interesantan i zabavan. Harry zna i to.

Na pragu 2002. godine trebali bismo iskinuti list iz Harrijeve knjige. Izazovi sa kojima će se Bosna i Hercegovina suočiti kako budemo ulazili u novu godinu zahtijevaju mnogo energije i optimizma – dvije stvari koje Harriju ne nedostaju. Mladi obično posjeduju više energije i optimizma nego stariji od njih. Nažalost, ipak, političari obično ne slušaju ljude sve dok ne budu dovoljno stari da mogu glasovati. Stariji ljudi – poput bezjaka općenito- obično zanemaruju mudrost mladih. Ali vrijeme je na vašoj strani. Vi ćete ostati tu, donositi odluke, dugo nakon što sadašnji naraštaji političkih vođa više ne budu na sceni.

Bosna i Hercegovina nosi svoj teret problema pa su tako i njeni nastavnici često previše zauzeti, a udžbenici i dopunski sadržaji često daju samo osnovne informacije. Ali život – kao što to Harry Potter i predobro zna – znači suočiti se s izazovima a ne izbjegavati ih, znači prevazići prepreke a ne samo žaliti se na njih. Budućnost BiH će biti u vašim rukama i vi možete svoju budućnost učiniti drugačijom tako što ćete preuzeti inicijativu iako ste još uvijek u školskim klupama. U Hogwartsu Harry i Hermiona i Ron nadmudruju svoje zlonamjerne nastavnike i nasilničke prijatelje i pobjeđuju negativni način razmišljanja, kao i predrasude i gluposti. Sve ove stvari su jednako loše u stvarnom svijetu kao što su i u knjizi ili na filmu.

Ne možete baciti čini (osim, naravno, ako ste učenik čarobnjaka) ali ipak možete stvarati čuda. Ako možete napraviti pomak u vašoj školi – praveći korake ka zaustavljanju nasilnika i eliminiranju etničke i vjerske predrasude – napraviti ćete promjenu u svojoj zemlji. Ne treba vam metla – samo energija i hrabrost, a to je nešto što -kao i Harryju Potteru – ne nedostaje mladim ljudima u Bosni i Hercegovini.